

聖濟總錄纂要

卷之二十四

程聖林雲來纂

汪士昌禹言

新安

較

方振先孝起

畢天鑑義馭

產難門

逆產

子死腹中

息胞

卽胞衣不下

產後門

產後血運

產後語言妄亂

產後中風

聖濟總錄卷之二十四
產後中風口喎

產後中風角弓反張

產後蓐勞

產後大便不通

產後乳汁不下

產後妬乳

產後乳結核

產後乳結癰

逆產

論曰逆產者蓋因妊婦初覺腹痛產時未至驚動傷早兒
回轉未至竟使用力產之卽令逆也

牛酥膏

治逆產數日或生不以理橫逆艱難千方百計

不安急宜服之膏至兒身上卽產下

真牛酥

秋葵子升一

大豆黃卷

滑石二兩

瞿麥兩

白蜜半升

秋冬二葵子功用并同

共末用酥煎沸入蜜再煎下末攪勻收貯酒下一二

匙頻服

半夏飲 治橫產及倒生胎死腹中并衣不下母氣欲絕

者

半夏

五枚薑汁炒

白飲

一兩

共末溫酒下二錢難產一服

橫產二服倒生三服胎斃衣不出四服此方加瞿麥

尤佳

竈心黃土塗 治逆產

竈底心黃土

研五合

以生薑汁和如糊塗產母臍中以

帛繫換

小麥飲 治逆產

小麥

小豆

炒一兩

共末水煎二三錢溫服少頃又服

鹽粉塗 治逆產足下

食鹽 胡粉 共研勻用米醋和塗兒足心即順下

葱蒜薰法 治逆產

大蒜

七枚

生薑

五錢

葱白

三十根

共搗入盆中以沸湯

五大碗投盆內速扶產婦坐盆上薰產戶冷卽易之

三易胎正矣

丹砂塗治逆產

丹砂

五分

用蜜和塗兒足心又以丹書兒左足心千字

書右足心里字

又法

以鍼刺先出足底足痛還卽順若手先出卽刺手

又法

取三家鹽熬令黃以津唾和塗兒足心次取三家飯放

兒母手中佳

艾葉湯

治逆產及子歾腹中

生艾葉

五兩

用酒一升煎旋服則順下如不飲酒以水

煎服

蛇脫灰酒

治逆產及子歾腹中

蛇脫

燒灰

研末用白酒和下面向東方服一錢未下

再服

兔絲子酒

治逆產及子歾腹中

兔絲子

炒

爲末酒下一二錢卽生一方以車前子

爲末酒下二錢

蒲黃塗 治逆產

蒲黃 用水和塗兒手足心卽順

難產

論曰臨產或難蓋爲正氣擾亂心神不寧所致古人有預備方法臨月用滑胎散并日行二三十步貴使血氣下順產無畱難無令喧雜驚忙必須產閣溫暖遇嚴寒之日四圍燒火及多備熱湯焚諸異香常令湯火氣及身暗使人看候產婦纔覺腹痛速與飲食令飽無使困乏飢則雌雞煮粥渴則白蜜煎湯或空痛經日兒胎未動者宜安心熟

忍以薦蓆鋪牀就上安產免爲地氣所侵又就週行三五
百匝或困于行暫且扶立須臾又行如血水俱下痛陣及
腰此欲產之兆諸餘法度宜次序行之

車前子散 治難產經日不下

車前子

微炒

滑石

川歸

五錢

榆白皮

瞿麥穗

一兩

共末用酒下二錢如血水未下用大黃二錢煎酒服

胞胎卽下

如意膏 治難產催生

革麻子

二十一粒
去殼研

丹砂

五分

共研如膏用油紙攤貼

臍下小腹間外用帛緊縛候產與胞衣下速去之稍緩卽脫人氣血此藥覺腹痛便宜用

牛酥膏

治難產催生

見前逆產

苧麻根飲

治難產及晚嫁難產

乳母論云三十後適人者謂之晚嫁也蓋少嫁則筋骨軟弱故產門易開晚嫁則筋骨堅強所以難產產婦臨月宜常服之

苧麻根

人參

陳皮

炒

懷生地

炙甘草

烏梅肉

一兩

生薑水煎四五錢溫服少頃又服

燒弓弦散 治難產

弓弦

五寸燒
灰研

箭幹

五寸
燒灰

共研勻作一服酒下

牛酥飲 治數日不產胎上冲心欲死

牛酥

五錢

冬葵子

炒一合

滑石

研三分

共入袋盛用酒一升煮頻服一鍾

白芍散 治數日不產胎上冲心欲死

白芍

川芎

甘草

川歸

茯神

陳皮

二兩

葶麻根

一把

髮灰

一分

共末空心食前酒下二錢少頃又服

桂心湯 治難產數日不生子死腹中母氣欲絕者服之

效

桂心

兩半

木通

牛膝

瞿麥穗

榆白皮

二兩

水煎五錢服

石燕酒

治難產催生 一方兩手握石燕亦產

石燕

以童便磨取三四錢微溫吞赤小豆七粒立產

子死腹中

論曰胞衣未下急于胎之未生子死腹中危于胎之未下
蓋胞衣未下子與母氣通其呼吸若子死腹中胞藏氣寒

胎血凝滯氣不升降所以難下古方多以行血順氣藥及硝石水銀礞砂之類其胎已死軀形已冷血凝氣聚復以至寒之藥下之不惟無益而害母命者多矣古人用藥深于用意但後生不分子死理有二端用藥寒溫各從其宜有妊娠胎漏血盡子死者有墜墮顛撲內傷子死者有緣久病胎萎子死者若此之類遂令生人提掣妊婦使身體平正仍以裊蓐自腰抵定令仰臥開足向地如欲產勢連進附子湯三服方見後卽以衣包溫瓦數片二三人不住手自臍腹腰脇左右周回熨之使胞藏溫煖凝血流動蓋附

子湯能破寒氣墮胎服之少頃覺腹內痛陣漸作惡血漸動良久必產此用溫藥之意也有因傷寒熱病溫瘧之類胎受邪熱毒氣內外交攻因致胎死胎不卽下畱于胞藏古人慮胎受毒氣必致脹大所以用硝石水銀礪砂之藥蓋硝石水銀之性不惟使胎不脹大又能使胎化爛副以行血順氣之味死胎卽下臨產更令生人以手體候胎有橫有逆有脹有爛以意治之庶免畱難凡生產之理胎活則所生子日月已周臍繫不養所以自下由之果實旣熟不俟剪折帶蒂自分若子死腹中則所生在母日月未足

臍繫尚固由之果實未熟枝末雖枯不折不離所以在母行之有法用之有度斯無虞矣凡審死胎當熟辯有妊之婦病胎隱伏不動難認存亡令生人以煖手就臍下欸欸按至胎處覺腹中冷應手是胎已死稍溫卽非更看妊婦外症面青舌冷舌下脉青黑口穢氣手指甲黑皆子死之候

附子湯 治子死腹中產後氣寒胎血凝沍子死難下破

寒墮胎

附子

大者一枚生去皮臍切十片

生薑

五片

水煎稍熱服經時不下服桂心湯

桂心湯 治子死腹中產後氣寒胎血凝泣子死難下破

寒墮胎

桂心 不見火

烏頭 大者一兩

水煎稍熱連用三服

地黃酒 治子死腹中未下

懷生地

酒洗搗取自然汁

用酒煎沸和地黃汁連三服胎不

下服牛膝湯

牛膝湯 治子死腹中氣血凝結致子難下

牛膝

朴硝 三兩

川芎

大黃 炒

桂心

聖濟總金
蒲黃錢五 懷生地兩二 水煎五錢去滓入朴硝一錢再

沸服連進三服未下服後瞿麥湯

瞿麥穗湯 治子死腹中三日不出母氣欲絕

瞿麥穗兩半 牛膝 榆根白皮兩一 木通 桂心三分

水煎五錢去滓服連進三服胎未下服後牛膝湯

牛膝湯 治子死腹中滑氣血破胞胎或子死壞爛母氣

悶絕者

牛膝兩一 川歸 桂心三分 川芎 蒲黃錢五

硝石 瞿麥穗兩二 懷生地汁鍾一